

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO ZDRAVSTVA**

Na osnovu člana 14. i člana 23. Zakona o ministarskim i drugim organima uprave Tuzlanskog kantona („Službene novine Tuzlanskog kantona“ broj 17/00, 3/01, 12/03, 10/05, 3/08, 8/11 i 15/13), člana 12. Zakona o apotekarskoj djelatnosti („Službene novine Federacije BiH“, broj 40/10) i člana 6. stav 1. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije („Službene novine Federacije BiH“, broj: 44/12, 23/13 i 27/14), Ministarstvo zdravstva donosi

O D L U K U

o određivanju slobodnih lokacija za osnivanje apoteka u Tuzlanskom kantonu u 2018. godini

I

Ovom Odlukom se određuju slobodne lokacije u Tuzlanskom kantonu na kojima se može osnovati apoteka u 2018. godini (u daljem tekstu: Odluka) u skladu sa članom 6. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije („Sl. novine Federacije BiH“, broj: 44/12, 23/13 i 27/14) (u daljem tekstu: Pravilnik) i utvrđuju uslovi, postupak i kriteriji za dodjelu slobodnih lokacija u Tuzlanskom kantonu za osnivanje apoteka u 2018. godini.

II

Slobodne lokacije u smislu tačke I ove Odluke su određene u skladu sa demografskim i geografskim kriterijima iz člana 3. i 4. Pravilnika i zahtjeva Grada/općina u Tuzlanskom kantonu, kao potreba lokalnih zajednica za apotekarskom službom i to:

1. Demografski i geografski kriteriji iz člana 3. i 4. Pravilnika:

1.1. OPĆINA KLADANJ – jedna lokacija

- izuzev mjesnih zajednica Kladanj i Stupari – jedna lokacija

2. Potrebe - zahtjevi Grada/općina za apotekarskom službom:

2.1. GRAD TUZLA- pet lokacija

- Mjesna zajednica Šićki Brod
- Mjesna zajednica Batva
- Mjesna zajednica Simin Han
- Mjesna zajednica Ši Selo
- Mjesna zajednica Stari Grad

2.2. OPĆINA BANOVIĆI – jedna lokacija

- Mjesna zajednica Treštenica

2.3. OPĆINA ŽIVINICE – četiri lokacije

- Mjesna zajednica Kovači
- Mjesna zajednica Bašigovci
- Mjesna zajednica Živinice Centar
- Mjesna zajednica Šišići

2.4. OPĆINA GRADAČAC – dvije lokacija

- Za područje mjesnih zajednica: Požarike, Sibovac, Ledenice Donje i Ledenice Gornje
- Mjesna zajednica Vida I

2.5. OPĆINA SREBRENİK – tri lokacije

- Mjesna zajednica Srebrenik 1
- Mjesna zajednica Srebrenik 2
- Mjesna zajednica Previle

2.6. OPĆINA DOBOJ ISTOK- jedna lokacija

- Mjesna zajednica Lukavica Rijeka

2.7. OPĆINA LUKAVAC – jedna lokacija

- Mjesna zajednica Poljice Gornje

III

Međusobna udaljenost između dvije apoteke ne može biti manja od 400 metara najbliže cestovne povezanosti.

Međusobna udaljenost apoteka iz stava 1. ove tačke utvrđuje se izmjerom ovlaštenog lica za obavljanje geodetskih poslova u skladu sa važećim propisima iz ove oblasti.

IV

Izraz apoteka u smislu Odluke smatra se apoteka zdravstvena ustanova, ogranak apoteke zdravstvene ustanove i apoteka privatna praksa.

V

Saglasnosti na lokacije za osnivanje apoteka dodjeljuju se za utvrđene slobodne lokacije u tački II.

VI

Uslove koje podnosilac zahtjeva mora ispunjavati su:

- a) da je domaće ili strano pravno ili fizičko lice;
- b) da je apoteka zdravstvena ustanova sa registracijom upisana u sudski registar nadležnog suda u Federaciji BiH;
- c) da je magistar farmacije sa prebivalištem u Federaciji BiH.

VII

Zahtjev se dostavlja Ministarstvu zdravstva Tuzlanskog kantona od prvog narednog dana od dana stupanja na snagu Odluke.

Rok za dostavljanje zahtjeva iz stava 1. ove tačke je 8 dana od dana stupanja na snagu Odluke.

VIII

Podnosilac zahtjeva iz tačke VI može podnijeti zahtjev za saglasnost na samo jednu lokaciju utvrđenu Odlukom.

Uz zahtjev se prilaže:

- a) za tačku VI pod a) izvod iz registra ili ovjerenu kopiju lične karte;
- b) za tačku VI pod b) izvod iz sudskog registra nadležnog suda u Federaciji BiH, ovjerena kopija;
- c) za tačku VI pod c) diplomu magistra farmacije i obrazac PBA 3-prebivalište, ovjerene kopije.

IX

Pored dokaza iz tačke VIII Odluke, podnosioci zahtjeva mogu priložiti i druge dokaze iz tačke X Odluke.

X

Ukoliko dva ili više podnosilaca zahtjeva iz tačke VI Odluke, apliciraju za davanje saglasnosti na istu lokaciju, prilikom odlučivanja za dodjelu saglasnosti na lokaciju uzimaju se u obzir, po redu prioriteta, sljedeći kriteriji:

1. Vlasništvo poslovnog prostora u kojem se planira otvoriti apoteka, a koji površinom zadovoljava uslov prostora iz Pravilnika, minimalno za ogranak – privatnu praksu (dokaz: ZK izvadak, ugovor o kupoprodaji poslovnog prostora ili drugi dokaz o vlasništvu).
2. Zakup poslovnog prostora u kojem se planira otvoriti apoteka, a koji površinom zadovoljava uslov prostora iz Pravilnika, minimalno za ogranak – privatnu praksu (dokaz: ugovor o zakupu)
3. Prilaganje geodetskog izmjera za buduću lokaciju u skladu sa članom 4. Pravilnika (izmjer ovlaštenog lica);
4. Ukoliko je podnosilac zahtjeva magistar farmacije sa licencom od nadležne komore, a koji se u trenutku donošenja Odluke nalazio na evidenciji Službe za zapošljavanje Tuzlanskog kantona (dokaz: diploma, licenca i uvjerenje od Službe za zapošljavanje);
5. U cilju poticanja razvoja poduzetništva, slobodnog razvoja konkurencije na tržištu, dati prednost zahtjevu fizičkog lica koje nije osnivač bilo kojeg pravnog lica ili apoteke u bilo kojem organizacionom obliku na teritoriji BiH na dan donošenja Odluke (dokaz: ovjerena izjava);
6. Ukoliko aplicira više apoteka zdravstvenih ustanova, a u cilju sprečavanja razvoja nelojalne konkurencije, dati prednost apoteci zdravstvenoj ustanovi koja ima manji broj organizacionih jedinica u svom sastavu na području FBiH; (dokaz: rješenja kantonalnih ministarstava o organizovanju organizacionih jedinica sa područja Federacije BiH);
7. Ukoliko svi navedeni kriteriji budu izjednačeni, saglasnost na lokaciju za osnivanje apoteke dodjeljuje se podnosiocu zahtjeva koji se prvi prijavio na slobodnu lokaciju.

Svi dokazi se prilažu u originalu ili ovjerenj kopiji.

XI

Osnivač buduće apoteke, odnosno budući nositelj odobrenja za privatnu praksu kojem je izdata saglasnost na lokaciju dužan je podnijeti zahtjev za osnivanje apoteke sa potpunom dokumentacijom, shodno Pravilniku najkasnije šest mjeseci od dobijanja saglasnosti, a najkasnije do 30.11.2018.godine, u suprotnom se predmetna saglasnost stavlja van snage, a ista se izdaje slijedećem podnosiocu zahtjeva, odnosno budućem nositelju odobrenja, vodeći računa da se može izdati samo jedna prethodna saglasnost na lokaciju budućem nositelju odobrenja odnosno budućem osnivaču apoteke na utvrđenoj lokaciji.

XII

Lokacija za osnivanje apoteke koja je utvrđena Odlukom, a za koju nije podnešen zahtjev u roku iz tačke VII stav 2. Odluke, ostaje i dalje slobodna do 30.11.2018. godine.

XIII

Ova Odluka stupa na snagu dan nakon objavljivanja u „Službenim novinama Tuzlanskog kantona“ i objavit će se na web stranici Vlade Tuzlanskog kantona - Ministarstvo zdravstva.

Broj: 13/1-37-4408/18

Tuzla, 12.03.2018. godine

Dostavljeno:

1x Evidencija

1x a/a

MINISTAR

Dr.med. Bahrudin Hadžiefendić